

王氏增補醫學正傳目錄卷之八

小兒科

辨虎口手紋

初生將護

論

又形證歌

又變蒸論

脉法總論

又總論

三關脉法形狀

湯氏察形色總斷

面上諸候形證歌

內八段錦

外八段錦

又脉法

外証二十四種

作聲驗病

察色入神訣

急慢驚門

論

脉法



王以坤神醫學正傳  
卷之八  
丹溪方法

東垣驚風論

黃芪湯

益黃散

錢氏安神丸

白朮散

驚風方

急慢驚風方

慢驚風方

鎮驚丸

奪命丹

利驚丸

瀉青丸

抱龍丸

龍胆湯

宣風散

五福化毒散

金箔丸

鈎藤飲

溫白丸

涼驚丸

發搐門

男發搐

女發搐

早辰發搐

日午發搐

日晚發搐

夜間發搐

傷風發搐

傷食發搐

百日内發搐

補腎地黃丸

瀉青丸

道赤散

涼驚丸

益黃散

大青膏

牛黃膏

甘露飲

白餅子

塗顛法

浴體法

五癩門

論五癩形證

五色丸

諸疳門

論

地黃丸

安神丸

益黃散

木香丸

胡黃連丸

蘭香散

白粉散

如聖丸

香蟾丸

蘆薈丸

治疳積腹大方

又治疳方

經驗秘方

吐瀉門

論

錢氏方法

木瓜丸

兒生三日內吐

三日至十日吐瀉

五月二十五日已後吐瀉

玉露散

六月十五日已後吐瀉

七月七日已後吐瀉

八月十五日已後吐瀉

吐瀉泄黃傷熱乳病

溫中丸

虛弱脾胃不和

調脾平胃散

吐瀉黃疸方

夏月吐瀉益元散効說

附證

腹脹論

腹脹塌氣丸

腹虛脹方

治腹脹方

腹痛傷食法

又腹痛方

白餅子

白朮散

心腹痛方

安虫散

集効丸

虫痛方

蛇虫痛方

吃粽腹痛方

又腹痛方

小兒夜啼方

夜啼花火膏

小兒驚啼方

風痰壅盛

痰熱骨蒸方

又治前證方

解顛方法

吃泥方法

脫囊方

脫肛方

又脫肛方

又一方

赤瘤方法

白玉散

臍中汁出方

癩頭方

又治方

丹溪醫按一條

小兒尾間骨痛

弄舌

瀉黃散

龜胸

瀉白散

龜背

重舌木舌

治木舌方

又治前證方

口瘡方

鷺口瘡方

又治方

治口瘡方

又治方

頰上生瘡

走馬牙疳

又治牙疳方

臍風撮口方

痘疹門

論

丹溪方法總論

丹溪方法

辨痘瘡初發五臟形證

辨痘瘡五臟形色

辨斑痘所發之源

辨內外因

王氏惺惺散

升麻葛根湯

木香參蘇散

四君子湯

和中散

紫霜丸

辨形氣病 五

補肺散

解毒防風湯

當歸丸

十奇散

辨三陰三陽經候 六

荆芥甘草防風湯

連翹防風湯

升麻湯

理中湯

木香散

異功散

辨三陽證治

連翹升麻湯

犀角地黄湯

解毒丸

宣風散

百祥丸

龐氏地黄膏

黃栢膏

玉露散

甘露飲子

猪心龍腦膏

辨三陰證法

調中丸

辨形氣不足

芎歸湯

辨表裏虛實

消毒飲

葛根升麻加芍藥湯

活血散

勻氣散

二物湯

百花膏

平治諸方

十一

三荳湯

油飲子

鳳龍膏

四物解肌湯

瘡出不快

活血散加防風

龐氏紅花湯

紫草湯

四聖散

樺皮飲子

五積散

正氣散

調解散

辰砂五苓散

肉豆蔻丸

絲瓜湯

阮氏萬全散

湯氏安班湯

透肌散

如聖湯

辨外證逆順

辨初末形證

辨不藥而愈

辨五不治證

辨疹陰陽證

傷寒時氣發斑附

玄參升麻湯

荆防敗毒散

化班湯

龐氏石膏湯

陽毒升麻湯

辨瘡後餘毒

消毒飲

十六味流氣飲

必勝膏

蜆子水



五福化毒丹

如聖湯

雄黃解毒丸

黃連阿膠丸

駐車丸

決明散

密蒙花散

撥雲散

蛤粉散

經驗秘方

痘後不大便方

古人極治痘瘡要法方論

陷伏倒靨黑陷論

不換金正氣散

辟穢丹

再甦散

猪尾膏

白龍散

敗草散

馮氏天花散

單胎散

獨聖散

安胎散

醫學正傳增補卷之八目錄終

小兒科

論

嘗聞小方脉科古人謂之啞科最費調治誠哉是言也蓋以嬰之流難問証難察脉耳抑且臟腑脆嫩而孟浪之劑與夫峻寒峻熱之藥俱不可輕用試詳論之夫孺子之在襁褓中也內無七情六慾之交戰外無大風大寒之相侵何其幼科之疾若是之繁且甚與抑考其證大半胎毒而少半傷食也其外感風寒之証十一而已曰變蒸曰痘疹曰斑爛曰驚悸曰風

癰曰發搐曰痰壅曰赤瘤曰白禿曰解顱曰重舌曰木舌已上諸証豈非孕母不謹胎毒之所致與夫小兒之在胎也母饑亦饑母飽亦飽辛辣適口胎氣隨熱情慾動中胎息輒躁或多食煎燂或恣味辛酸或嗜欲無節或喜怒不常皆能令子受惠其爲母者胎前旣不能謹節產後又不能調護是以惟務姑息不能防微杜漸或未滿百晬而遂與醜酸之味或未穀週歲而輒與肥甘之物百病由是而生焉曰吐瀉曰黃疸曰五疳曰腹脹曰腹痛曰水腫曰瘰曰癩曰痰

喘豈非吃食過傷調養失宜之所致與先正所謂古者婦人妊子寢不側坐不偏立不蹕不食邪味等語厥有旨哉其餘飲食男女養胎幼幼之法必深得造化生生不息之意故古人多壽考兒少夭折者卽此之由也嘗見今有稟性溫良之婦有娠不嗜欲從口生子少病而痘疹亦希亦可以爲師法矣爲兒醫者臨證之際宜察色觀容不可鹵莽假如額赤知爲心熱鼻紅知爲脾熱左腮青知爲肝有餘右腮白知爲肺不足頰白知爲腎虛之類更參之以虎口三關之

脉其小兒之病情斯過半矣傳曰幼吾幼以及人之幼仁人之心斯言其可忽諸

### 又論變蒸

夫小兒之初生血氣未足陰陽未和臟腑未實骨格未全有變蒸之後每三十二日一發熱或吐或汗或呻吟不食此爲長血脉全智意之常候不須治而自愈按諸家所論皆謂小兒長骨脉臟腑與神志也自生之日始每三十二日一變凡人有三百六十五骨除手足四十五碎骨外止有三百二十骨自生下骨

而上一日十骨三十二日乃爲一變骨氣始全一變生一臟或一腑十變則臟腑始足每變發爲虛熱證亦有胎氣壯實暗變而無發熱証者此骨節臟腑由變而全胎毒亦因變而散也爲見醫者可不審乎

### 脉法總論

按古法曰凡小兒証候難以手太陰尺寸脉診如一歲至六歲曰嬰孩惟以男左女右手次指三關之脉以爲驗病輕重死生之訣第一節名風關無脉則無病有脉則病輕第二節名氣關脉見則病重尚可以

藥治而已第三節名命關脉見則病劇乃九死一生之惡候也多不可治七歲八歲口亂九歲十歲曰鬢始可以一指探掌後尺寸三部之脉而以一息七八至為無病之常脉十一歲至十四歲曰童稚而以一息五六至為常脉也數則為熱遲則為寒浮則為虛為風沉則為實為積為痛浮而數者為乳癩驚悸虛而軟者為慢驚瘈瘲緊而實者為風癩牢而革者為便秘沉而弦者為食積為腹痛緊而弦者為氣急為風寒洪數者為熱伏結為傷食軟細者為虫疳若氣促脉代散亂無倫次者死在須臾而不治也業幼科者其可不盡心於此乎

今將手指三關之脉繪圖分註開列于后



- 一風關易治
- 二氣關病重
- 三命關死候

三關青是四足驚 三關赤是水驚 三關黑是人驚

如有此三關通度脉候是極重之証必死餘並可治  
 風關青如魚刺易治乃初驚之候也黑色難治

氣關青如魚刺主疔勞身熱易治

命關青如魚刺主虛風邪傳脾難治

一風關青黑色如懸針主水驚易治

氣關赤色如懸針主疔病蒸肺臟積熱猶爲可治

命關凡有此脉不問五色皆是死候

又三關通度如懸針者主慢驚風難治

川風關如水字主驚風入肺咳嗽面赤

氣關如水字主驚風疔極夾驚候不拘五色三關

通度者不治

乙風關如乙字主肺臟風易治

氣關如乙字主驚風病重

命關如乙字青黑色主慢驚風難治

乙風關如曲虫主疔病積聚腦前如橫排筭子肚皮

如吹胖猪脬

氣關如曲虫主大腸有穢積

命關如曲虫主心痛傳肝難治

乙風關如環主肝臟有疔積聚

氣關如環主疔人胃吐逆不治

命關如環候惡不治

黧若作風氣二關易治若在命關過度難治

三此紋若在手或面上或左右腹脇上

ㄣ脉曲向裏者是氣疔

ㄣ脉曲向外者是風疔

ㄣ脉邪向右者是傷寒身熱不食無汗

ㄣ脉邪向左者是風傷身熱不食有汗

☉雙鈎脉者是傷寒

三三曲如長虫者是傷硬物

ㄣ兩曲如鈎者是傷冷物

ㄣ脉一頭如環有獨脚者是傷冷

○○面上有此點子必是再發之候

發凡頭面上或肚腹上有大脉并青筋如此者並是

食毒物及驚積難治

ㄣ脉如亂虫是常疔亦有虫疔虻疔食積之疔皆可

以治

凡脉微細不足者並是風氣俱宜消疔然後取虫積肥孩兒是良法也

附湯氏察小兒神色總斷

凡看小兒病宜先觀形証神色然後察脉假如肝之為病則面青心之為病則面赤脾之為病則面黃肺之為病則面白腎之為病則面黑先要分別五臟形証次看稟受盈虧胎氣虛實明其標本而治之無不可者

面上諸候形証歌

五言

痢疾眉頭皺驚風面頰紅渴來唇帶赤毒熱眼

朦朧

又一首

山根若見脉橫青此病明知兩度驚赤黑困疲時吐瀉色紅啼夜不會停

又

青脉生于左大陽須驚一度見推詳赤是傷寒微燥熱黑青知是乳多傷

又

右邊青脉不須多有則頻驚怎奈何紅赤為風抽眼目黑青三日見闍羅

小兒科 二百九十一



又

指甲青兼黑暗多唇青惡逆病將瘥忽作鴉聲  
心氣急此時端的命難過

又

虵虫出口有三般口鼻中來大不堪如或白虫  
兼黑色靈丹縱服病難安

又

四肢瘡痛不爲祥下氣冲心兼滑腸氣喘汗流  
身不熱手拿胸膈定遭殃

又小兒脉總論

夫人稟陰陽二氣生疾病于三焦然冠壯易明童幼  
難治黃帝云吾不能察其幼小者爲別是一家調理  
耳此不在黃帝圖經之論也又云小兒如水上之泡  
草頭之露者以表用藥無令造次焉爲小兒臟腑嬌  
脆血氣懦弱肌體不密精神未備故稱不易醫也或  
云初生者曰嬰兒三歲者曰小兒十歲者曰童子大  
小各異且不可槩而用藥者必明消息形候審定生  
死察病患之淺深知藥性之寒溫乃一世之良工也

辨虎口手紋訣

夫二歲已前若有患須看虎口脉次指表節爲命關  
次氣關次風關古人所謂初得風關病猶可傳入氣  
命定難陳是也男以左手女以右手觀之

脉法

冰鑑先生曰小兒雖受陰陽二氣成其形狀氣尚未  
周何言有脉直至髮蒸候盡陰陽氣足方可看脉其  
髻亂之年方生陰陽二氣聖人云男七歲曰髻生其  
元陽之氣女八歲曰亂其陰陽方成故未滿髻亂之

年呼爲淳陽若髻亂滿後呼爲童兒始可看脉如身  
體俱盛脉旺一息六至爲常人之脉一息八至爲熱  
九至風五至虛四至損三至脫二至死十至必是疳  
勞虛損形容瘦劣若或身肥血色青白一息十一二  
至謂之虛是風病死是爲脉亂若一息一二至者爲  
脉不來其人當冷必死遲若一息十一二至者必死  
速不滿二日何名爲一息一呼一吸名爲一息呼吸  
者卽是出一氣入一氣謂之一息其脉若指下來硬  
隱指急大者是有積若來微細卽是冷若虛輕緊卽

是熱時復一大卽是驚若大小不均卽是惡候也先生所論浮數爲熱伏結爲寒沉細爲冷大小不勻爲惡候數者緊也浮者輕也伏者貼也重手方見結者亂也沉者重脉沒謂之沉細者微也大小不勻則是或大或小而不均也十無一生其人必死也

### 形證歌訣

搖頭揉目肝熱生風眵淚憎明三焦積熱鼻生清涕  
肺受其寒頰赤面黃風傷腑熱霍亂吐逆胃積氣傷  
瀉積不常氣攻腸滑面青呵欠驚氣傳肝盜汗頻又

藏伏虛熱傷寒驚搐風盛發狂胃熱生斑氣傷冷厥  
長吁齧齒風盛氣生上竄搖頭涎高胃結肺壅氣傷  
欬嗽哈血涎盛發駒積氣風熱小便淋赤熱聚膀胱  
疝氣因啼胎中相結妳脾痞癖因物所傷喉閉丹瘡  
肺之受熱愛吃泥土脾臟生疳嘔逆痰涎蛔虫上出  
脫肛瀉血冷熱積傷消渴口瘡心家受熱面黃浮腫  
積氣所攻鶴膝解顱因風腑熱行持遲語言澁胎積  
氣傷項硬肝風氣傷口舌醫經要畧病源辨別審而  
用之細詳使藥

外証二十四種死候

大衝無脉直視看人魚口自動忽作鴉聲若時沒一

氣急作聲者不死滿口粘涎時時惡叫身生黑斑五心昌腫聾者死若

舌出虛搖舌出不動者不死或縮生瘡伏熱不退喉中空響

瀉出黑血面黑狂燥吐瀉不止兩眼半開驚叫咬人

指甲青黑走馬落齒顛腫或搗瀉止又瀉丹毒遍

啼高聲咽魚際不勻

右件前項形云是病犯五七候十無一生凡得

此候所去不遠更看脉息如何陽病得之甚

反細陰病得之其脉反洪不出一日死

初生將護

凡新生出胎便以綿裹指拭口中及舌上青泥惡血

若不急拭啼聲一發即入腹成血病矣

凡生落地不作聲者取冷水少灌之須臾當自啼及

以茺白細鞭之即啼

凡初生兒拭襁後灸甘草三五寸槌碎濃煎湯以新

編珠子嚼與吃日夜五七次取盡惡血即止方與之

乳喫

凡春夏不須下之必任其自然所以尔者小兒腑臟之氣軟弱易虛易實下卽必虛益之上焦生熱又卽增痰又卽成病自非當病不可下之也

聽聲驗病訣

聲促是肺病

聲雄是心病

聲慢是脾病

聲悲是肝病

聲沉是腎病

聲長大腸病

聲短小腸病

聲速是胃病

聲清膽受病

聲微膀胱病

聲悲慢是肝脾臟相尅病

聲短細氣戰

聲實是泌瀝

聲灼是內病

聲細長是痢

聲短遲日是大瀉

察色并死入神訣

大素經曰五臟六腑皆盡有部視其五色以知其病五臟六腑各有色部其部之色視之則知臟腑之病矣經云望而知之之謂神黃爲熱白爲寒青黑爲痛病人心絕者面赤一日死病人肝絕者面青眼眶陷入者三日死病人脾絕者面黃四肢腫起九日死病人肺絕者面白鼻入輪竒三日死病人腎絕者面黑耳色痿黃蕪卒呻吟四日死病人筋絕爪甲枯黑八

日死病人脉絕口張唇青毛髮乾堅五日死病人骨  
絕齒如熟豆一日死大凡脚趺腫起身體沉重卒失  
尿溺妄語錯亂忽作屍臭陰囊皆腫口反張爪甲黑  
面目直視如此者必定死矣

內八段錦

紅淨爲安不用驚若逢紅黑便難寧更加紅亂青  
尤甚取下風痰病立輕

赤色輕微是外驚若如米粒勢難輕紅散多因成  
怒亂更加搐搦實難平

小兒初誕月腹痛兩眉顰此號盤腸氣啼哭又呻  
吟如反目仰視者天吊風也

小兒初誕月肌體瘦厓羸髮禿毛稀少元因鬼王  
胎

外八段錦

先望孩兒顏色青次看背上冷如冰陽男搐左無  
妨事搐右令人甚可驚女搐右邊猶可治若逢  
搐左疾非輕歪斜口眼終爲害縱有仙丹也莫  
平

眼中赤脉實難量大數元來一不祥最怕亂紋鋪  
目下更嫌赤脉貫瞳光

額門腫起定爲風此候應知最是凶忽陷成坑如  
蓋足未過七日命須終

鼻門黑躁渴難禁面黑唇青命莫存肚大青筋俱  
惡候更嫌腹有直身紋

忽見眉間紫帶青看來立便見風生青紅碎襍風  
將起必見疳癥膈氣形

亂紋交錯紫嫌青急急求醫免命傾盛紫再加身  
體熱須知臟腑惡風生

紫少紅多六畜驚紫紅相等卽疳成紫點有形如  
米粒傷寒夾食証堪評

紫散風傳脾臟間紫青口渴是風癩紫隱深沉難

王氏增補醫學正傳 卷之八  
治療風痰祛散命須還

黑輕可治死還生紅赤傷寒痰積停赤青脾受風  
邪証青黑脾風作慢驚

紅赤連兮赤紋輕必然乳母不相應兩手忽然無  
脉見定知衝惡犯神靈

### 急慢驚風

論

經曰諸風掉眩皆屬肝木夫小兒八歲已前日純

陽蓋其真水未旺心火已炎故肺金受制而無以平  
木故肝木常有餘而脾土常不足也爲父母者而有  
失于保養其或衣服寒暄不調以致外邪侵襲或飲  
食之饑飽失節以致中氣損傷是故急慢驚風之候  
作矣夫惟急驚屬肝木風邪有餘之証治宜清涼苦  
寒瀉氣之藥慢驚屬脾土中氣不足之候治宜中和  
甘溫補中之劑若夫急驚之候因聞不常之聲或遇  
驢馬禽獸之號以致面青口噤或聲嘶而厥發過則  
容色如故良久復作其身熱面赤引飲口鼻中氣熱



大小便黃赤色惺惺不睡蓋熱甚則生痰痰盛則生風偶因驚而發耳宜用錢氏利驚瀉青丸抱龍丸宜風散五福化毒丹等藥慢驚之証多因飲食不節損傷脾胃以致吐瀉日久中氣大虛而致發搐發則無休止時其身冷面黃不渴口鼻中氣寒大小便青白昏睡露睛目上視手足痠癱筋脉拘攣蓋脾虛則生風風盛則筋急俗名天吊風者卽此候也治宜東垣黃芪湯錢氏鈎藤丸溫白丸丹溪參朮湯送下硃砂安神丸之類錢氏謂急驚爲無陰之証因心經實熱而陰不能以配陽是爲陽盛陰虛之候也謂慢驚爲無陽之証因脾土虛甚而陽不能以盛陰是爲陰盛陽虛之候也愚按小兒急慢驚風之証其虛實寒熱如天淵之隔故急驚者十生一死慢驚者十死一生俗醫多不諳此理混爲一途而治誤人多矣業幼科者宜推幼幼及人之心爲心能免斯世無夭折之赤子幸甚

脉訣

總見前章

方法

丹溪曰錢氏方乃小兒科之祖其立例極妙若能增損而用之無不驗也

又曰驚風有二慢驚屬脾虛所主多死宜溫補一云當養脾用參朮煎湯以下安神丸 急驚屬痰熱宜涼瀉一云用養血藥作湯下降火清痰丸均龍丸之類世以一藥通治二証甚謬

東垣治驚論曰外物驚宜鎮心以黃連安神丸若氣動所驚宜寒水石安神丸大忌防風丸治風用辛溫之藥必殺人何也辛散浮溫熱者火也因驚而

泄青色先鎮肝以硃砂之類勿用寒涼之藥大禁

涼驚丸風木旺必尅脾胃當先實其土後瀉其木

聞孝忠編集錢氏方以益黃補土誤矣其藥有丁

香辛熱助火火旺土愈虛矣青橘皮瀉肺丁香熱

大瀉肺與大腸脾實當瀉子今脾胃虛反更瀉子

而助火重虛其土殺人無疑矣其風木旺証右關

脉洪大掌中熱腹皮熱豈可以助火瀉金如寒水

來乘脾土其病嘔吐腹痛瀉痢青白益黃散聖藥

也今立一方先瀉火補金大補其土是爲神治之

法也

黃芪湯 治慢驚之神藥也

黃芪 二錢 人參 一錢 炙甘草 五分

加白芍藥 一錢

右作一服水一盞半煎去粗食遠溫服上三味皆甘溫能助元氣甘能瀉火內經云熱淫于內以甘瀉之以酸收之白芍藥酸寒寒能瀉火酸味能瀉肝而大補肺金所補得金土之位金旺火虛風木由而來尅土然後瀉風之邪

又曰夫益黃散理中丸養神丸之類皆治脾胃寒濕大甚神品之藥也若得脾胃中伏熱勞役不足之證及服熱藥巴豆之類致胃虛而成慢驚之證用之必傷人命夫慢驚風者皆由久瀉脾胃虛而生也錢氏以羌活膏療慢驚風誤矣脾虛者由火邪乘其土位故曰從後來者為虛邪火旺能實其木木旺故來尅土當於心經中以甘溫補土之源更脾土中瀉火以甘寒更于脾土中補金以酸涼脾土中金旺火衰風

木自虛矣損食多進藥會藥是也

益黃散 治胃中風熱

黃芪 二錢

陳皮 去白

人參 各一錢

白芍藥 七分

生甘草

炙甘草 各五分

黃連 少許

右為細末分作三服每服用水一盞煎至半盞

食前服

錢氏安神丸

治邪熱驚啼心疳面黃頰赤壯熱

麥門冬 去心

馬牙硝

白茯苓

乾山藥

寒水石

甘草 炙各五錢

硃砂 一兩

龍腦 一字

右為細末煉蜜為丸如芡實大每服半丸砂糖水磨化下慢驚用參朮煎濃汁化下

錢氏白朮散

治積痛和胃生津止瀉頻瀉利將欲

成慢驚風者服之決効

人參

白朮

木香

白茯苓 去皮

甘草 炙

藿香 各一錢

乾葛 二錢

急慢驚

右切分三服每服水一鐘煎溫服

丹溪用芍藥 白扁豆 肉豆蔻

麵裹火煨各一錢用生薑

一片 若慢驚風作加細辛天麻

各一錢 全蝎三

枚 去稍毒

白附子

入分麩裹煨

同煎服不拘時候

一方治驚風治用母丁香一粒細嚼人中白少許

以其母中指取血調擦牙上即甦

急慢驚風發熱口瘡手心伏熱痰熱痰嗽痰喘並

用湧法重劑用瓜蒂散輕劑用苦參赤小豆末

以酸薑汁調服吐之吐後稍定更用防風通聖

散為末蜜丸膠定之間以桑葉乾研末茶飲調服

以平其風氣

又方治急慢驚風

薄荷葉

寒水石

各五錢

青黛

白蠟蚕

硃砂

各一錢

全蝎

二枚炒

猪牙皂角

槐角

各五分

右為細末燈草湯和乳汁調時時灌之

又方治慢驚風子母俱服

人參

白朮

各一錢

茯苓

陳皮 各五分

甘草

薄荷 各一分

半夏

天麻 各七分

細辛

全蝎 去毒炒 一枚

右作一服加薑三片水一盞煎至七分服

鎮驚丸 寧神退心熱鎮驚夜啼化痰止咳

珍珠 一錢

琥珀

天竺黃

雄黃 各三錢

金箔 研十片

膽星 五錢

牛黃 二錢

射香 五分

硃砂 三錢五分

右為細末麩糊為丸如梧桐子大每服五六丸

薄荷姜蜜湯化下

奪命丸 治急驚不省人事目瞪直視牙關不開唇

白或黑者

南星

半夏 各四錢為末以生姜汁捏和作餅子焙乾

珍珠 新白者 三錢研

巴豆 去油淨 一錢 硃砂 四錢

金箔

銀箔 各十片

輕粉

射香 各五分

右為細末麩糊丸如黍米大每歲兒一丸燈心

湯化下

利驚丸 治急驚風神效

天竺黃 輕粉 青黛 各一錢

黑丑 頭末半 兩生用

右為細末研勻煉蜜丸如梧桐子大一歲見一

丸二歲二丸五歲三丸溫薄荷水下食後服

瀉青丸 又名瀉肝丸 治肝熱急驚搐搦等証

羌活 川芎 梔子仁

草龍膽 當歸 防風 去蘆

川大黃 濕紙裹煨各等分一本無大黃

右為細末煉蜜丸如芡實大每服半丸至一丸

煎淡竹葉湯同砂糖溫水化下

抱龍丸 治傷風瘟疫身熱昏睡氣粗風熱痰實壅

嗽又治驚風潮搐及蠱毒中暑沫浴後並可服壯

實小兒宜時與服之則免痰熱驚悸之證

雄黃 二錢五分 辰砂 五錢 天竺黃 一兩

天南星 惜為末膽月納牛膽中陰干百日取研

用然不及膽星 射香 五錢另研恐大

右為末煮甘草湯丸如皂子大溫水化下百日

兒每丸分作三服一歲半丸五歲二丸童叟三  
 五丸室女白帶伏暑用鹽少許細嚼一二丸新  
 汲水送下臘月用雪水和甘草煮和丸尤佳一  
 法用漿水或新水浸南星三日煮三五沸去皮  
 取白肉切焙炒黃色為末每八兩以甘草二兩  
 半拍破用水二碗慢火煎至半碗去粗旋旋酒  
 入南星末徐徐研之令甘草水淨入餘藥  
 千金龍膽湯 治嬰兒出腹血脈實盛寒熱交作四  
 肢驚掣并諸疳驚等證

草龍膽

釣鈎藤

柴胡

黃芩

桂枝

茯苓

芍藥

甘草 各三錢

蟪娘 七枚炒

大黃 五錢

右細切用水一升煮至五合徐徐服之

宣風散 治急驚風搖擗不定

枳榔 二枚

陳皮

甘草 各五錢

黑丑 四兩半生半炒  
取首末二兩

右為細末二三歲兒蜜湯調下半錢已上一錢



食前服

五福化毒丹 治急驚風痰熱搐搦等證

桔梗 微炒 玄參 洗焙各一兩 青黛 研

牙硝 枯各二兩 人參 二兩去蘆 茯苓 去皮五兩

甘草 炙一兩半 金箔 八片為末 銀箔 八片為衣

射香 五分另研

右為細末入研藥拌勻煉蜜丸每兩分作十二丸一歲兒每一丸分四服用薄荷水化下瘡疹餘毒上攻口齒涎血臭氣以生地黃自然汁化

一丸以鷄翎刷口內

金箔丸 治急慢驚風痰涎壅盛

半夏 湯泡七次 天南星 煨裂 白附子 炮

防風 去芦各五錢 雄黃 硃砂 各二錢半

生犀末 一錢 牛黃 龍腦

射香 各五分 金箔 二十片

右為細末薑汁調麩打糊為丸如麻子大每服三五丸至一二十丸人參湯下慢驚風去龍腦

釣藤飲 治吐利脾胃氣弱虛風慢驚

三品神醫學傳  
卷之八  
三

三

三

鈎鈎藤 五錢

蟬蛻

防風 去蘆

人參

麻黃 去節

白姜蚕 炒

天麻

蝎尾 去毒炒 各二分

甘草 炙

川芎 各一分半

右作一服水一盞煎至六分溫服量人大小加

減分數與之虛寒者加附子末半分

溫白丸 治小兒脾虛氣弱泄瀉瘦怯冷疳洞泄及

吐瀉久病轉成慢驚身冷瘕癥等證

天麻 五錢

白姜蚕 炒

白附子 生

全蝎 去毒炒

天南星 湯泡七次焙 各二錢半

右為末湯浸寒食麩為丸如棗豆大每服五七

丸至二三十丸空心姜米湯下

涼驚丸 治驚疳

草龍膽

防風 去芦

青黛 各三錢

鈎藤 二錢

黃連 一兩二錢

龍腦 一錢

牛黃

射香 各一字

右為細末麥麩糊丸如黍米大每服三五丸至

一二丸煎金銀湯送下

發搐

男發搐目左視無聲右視有聲

女發搐目右視無聲左視有聲

相勝故也更  
看所發時候

早晨發搐因寅卯辰時潮熱目上視手足動搖口

流熱涎頸筋急此肝木大旺當補腎益肝補腎

地黃丸抑肝瀉青丸主之

日午發搐因巳午未時潮熱心神驚悸目上視白

睛赤色牙關緊急口流涎手足動搖此心火大

旺也當補肝瀉心補肝地黃丸瀉心導赤散涼

驚丸主之

日晚發搐因申酉時潮熱搐而喘目微斜視睡則

露睛手足冷大便下瀉淡黃水此是肺病當補

脾而益心肝補脾益黃散抑心導赤散抑肝瀉

青丸主之

夜間發搐因亥子丑時潮熱不甚搐而臥不穩身

體溫無壯熱目睛斜視喉中有痰大便銀褐

色乳食不消多睡不醒當補脾益心補脾益黃

散抑心導赤散涼驚丸主之

傷風發搐口中氣出熱呵欠煩悶手足動搖當發散大青膏主之小兒稟賦素怯者多病此

傷食發搐身體溫多睡或吐不欲食而搐當先定搐搐退用白餅子後服安神丸

百日內發搐有真假一真者不過三二次必死

假者發頻不為重真者內生驚癇假者外傷風冷蓋血氣未實不能勝邪乃發搐也奚知假者氣出熱也治之宜發散大青膏主之及用塗顛法與沐體法

補腎地黃丸 見疳病門 瀉青丸 見前驚風門

導赤散 治心熱

生乾地黃 木通 甘草 灸各等分

每服三錢水一盞入淡竹葉七片同煎至半盞

食後溫服 一本無甘草有黃芩

涼驚丸 方見前 益黃散 方見疳病門

大青膏 治小兒傷風吐瀉心溫乍涼乍熱

天麻 青黛 各一錢 白附子 一錢五分

蝎尾 去毒 烏蛇肉 酒浸 焙乾 硃砂

天竺黃

射香

各一錢

右為細末生蜜和成膏每服半皂子大或一皂子大月中兒粳米大同牛黃膏溫薄荷水化一處服之五歲已上同甘露飲服 錢本有天麻無大青 按此知閻孝忠加減方也

牛黃膏 治熱及傷風壯熱引飲

雄黃

甘草

甜硝

寒水石

生各二錢五分

蔚金

一錢

菘豆粉

五錢

腦子 一錢

右為細末和勻蜜和成膏薄荷水化下半皂子大食後服

甘露飲

治心胃熱咽痛口舌生瘡并疹瘡已發未

發皆可服又治熱氣上攻牙齦腫牙齒痛動搖含漱并服 方見痘疹門

白餅子 又名玉餅子 治小兒腹中有癖但飲乳

嗽而生痰

滑石

輕粉

半夏

湯泡七次

南星

各一錢

巴豆

二十四粒去皮膜用水一升煮水盡為度一作水三升

右研勻巴豆後入諸藥以糯米飯為丸如菉豆  
大捏作餅子三歲已上見三五餅已下一二餅  
煎薄荷湯下臨卧服

塗顛法

射香 蜈蚣末 牛黃末

青黛末 各一字 蝎尾 去毒為末五分 薄荷葉 五分

右為細末研勻熟棗肉劑為膏新綿上塗勻貼  
顛上四方可出一指許火上灸手頻熨百日裏  
外兒可用此及法

浴體法 治胎肥併胎怯胎熱

烏蛇肉 酒浸焙為末 白礬 青黛 各二錢

天麻 二錢 蝎尾 去毒為末 硃砂 各五分

射香 一字

右同研為細末每服用三錢水三碗帶葉桃枝  
一握同煎至十數沸溫熱浴之勿浴背

五癩

凡治小兒五癩皆當隨臟治之每臟各有一獸所  
屬如犬癩及折上竄犬叫肝也 牛癩目直視

腹滿牛叫脾也 鷄癩驚跳反折手縱鷄叫肺也 猪癩如尸吐沫猪叫腎也 羊癩目瞪吐舌羊叫心也 五癩重者死病後甚者亦死治法並用五色丸主之

五色丸

硃砂 另研

珍珠 各五錢

水銀 二錢半一

雄黃 一兩一作三兩

黑鉛 二兩同水銀熬

按用黑鉛二兩水銀當作二兩者為是無疑矣 煉蜜丸如麻子大每服三四丸金銀薄荷湯下

諸疳證

論

內經曰數食肥令人內熱數食甘令人中滿蓋其病因肥甘所致故命名曰疳若夫襁褓中之乳子與四五歲之孩提乳哺未息胃氣未全而穀氣尚未充也父母不能調攝惟務姑息禽犢之愛遂令恣食肥甘與夫瓜果生冷及一切烹飪調和之味朝飡暮食漸成積滯膠固以致身熱體瘦面色痿黃或肚大青筋虫痛瀉利而諸疳之証作矣錢仲陽曰小兒病疳多

因大病後或吐瀉後以藥下之致脾胃虛損亡津液而成蓋此證實由愚醫之所害耳斯言也特一端耳未可悉以為然其所謂大病吐瀉豈非飲食之所致與夫仲陽為兒醫之祖豈有誤耶其所論諸瘡形證治法班班可考學者不可不審如瘡在肝則膜遮睛法當補肝地黃丸主之瘡在心則面頰赤身體壯熱法當補心安神丸主之瘡在脾則體黃腹大好食泥土法當補脾益黃散主之瘡在肺則氣喘口鼻生瘡亦當補脾益黃散主之此虛者補其母也瘡在腎則極瘦而身生瘡疥法當補腎地黃丸主之筋瘡則瀉血而瘦當服補肝地黃丸骨瘡喜卧冷地當服補腎地黃丸內瘡則目腫腹脹利色無常或沫青白漸而瘦弱此冷證也宜服木香丸外瘡鼻下赤爛自揉鼻頭有瘡不結痂遮目而生當用治瘡爛蘭香散白粉散等藥法曰諸瘡皆因本臟而補其母則子自安假令日中潮熱是心經虛熱也肝為心之母宜先補肝肝實而後瀉心得母氣則內平而潮熱愈矣餘皆倣此大抵瘡病當辨冷熱肥瘦而治其初病者為肥熱



瘡久病者為瘦冷瘡冷則用木香丸熱則用胡黃連丸冷熱瘡並宜如聖丸之類惟小兒之腑臟柔弱不可痛擊大下必亡津液而成瘡證為兒醫者常當悉心而善調之母縱巨膽以妄為施治則赤子幸甚

### 脉法

### 方法

並見前總章

### 地黃丸

補肝腎虛治肝瘡白膜遮睛筋瘡瀉血腎

瘡身瘦瘡疥骨瘡喜卧冷地又治腎怯不言解顛

小兒年長不能行者專服神効

熟地黃

酒洗八錢

山茱萸

乾山藥

各四錢

澤瀉

牡丹皮

白茯苓

各三錢

右為細末煉蜜為丸如梧桐子大三歲以下見三丸至五丸熟水空心化下年長者量增丸數

### 安神丸

治邪熱驚啼心瘡面黃頰赤壯熱一方見

### 驚風門

### 益黃散

又名補脾散

治小兒脾胃虛寒脾瘡體

黃腹大好食泥土肺瘡氣喘口鼻生瘡等證

陳皮

一錢

青皮

訶子皮

甘草

炙各五分

丁香

二分

每服水一盞煎至六分溫服

愚每于本方加

參朮各一錢効

木香丸 治瘦冷疔

木香

青皮

枳殼

肉苳蔻

各二錢五分

射香

一錢另研

續隨子

一兩去油

蝦蟇

大壯者一名蟾蜍俗名風鷄三箇燒存性

右爲細末煉蜜丸如棗豆大每服三

二十九薄荷湯送下

胡黃連丸 治肥熱疔

胡黃連

宣黃連

各五錢

硃砂

二錢五分另研

右爲細末和勻填入獾猪膽內用淡漿煮以杖子加銚子上用線吊之勿著底候一炊時取出研入蘆薈射香各一分飯丸如麻子大每服五七丸至一二十九米飲下 一方是蝦蟇五錢焙乾不燒

蘭香散 治外疔鼻下赤爛

蘭香葉

收二錢燒存性

銅青

輕粉

右為細末乾敷之

白粉散 治疔瘡

烏賊魚骨末一七 白芨末三七 輕粉一七

右為末和勻先用清漿水洗瘡拭乾敷之

如聖丸 治冷熱疔瀉

使君子一兩 去壳 胡黃連 川黃連

白蕪荑去皮炒 各二兩 射香五分 另研 乾蝦蟇五個 煮白

右為細末以蝦蟇膏和丸如麻子大二三

五七丸已上十九至十五丸煎人參湯下不

時服

香蟾丸 治疔消食積虫積肉積及腹脹大

三稜酸浸炒 蓬莪朮醋浸炒 青皮去白

神麴炒 麥蘖麴炒 草龍膽酒浸炒

栝榔各五錢 木香二錢 川練子去核 酒煮

史君子去壳 胡黃連 川黃連各四錢

白朮一兩 乾蟾五個

右以白朮以上藥俱研為細末以乾蟾用醋煮爛搗成膏和藥如乾再加醋糊為丸如麻子大

每服十五丸清米湯下

蘆薈丸 治小兒疳氣腹脹骨熱

蘆薈 另研 木香 枳榔 各二錢半

蝦蟇 酒浸炙 黃去骨 黃連 各一兩 蕪荑 去皮

青皮 去白 陳皮 各五錢

巴豆 三七粒去壳同上 四味炒黃去豆

右為細末猪膽為丸如小豆大三歲兒二十九  
米湯下

又方治疳積腹大

胡黃連 去疳積 果積 阿魏 醋湯去肉 積久五分 射香 當門子 四粒

神麴 炒去食積 各二錢 川黃連 炒去熱積 又去酒積

右為細末猪膽汁和丸如麻子大每服二十九  
白朮湯送下 一方有蘆薈五分

又方治小兒疳病

黃連 白朮 山查肉 各五錢

胡黃連 蘆薈 各三錢 另研 蕪荑 二錢五分

神麴 炒一錢

右為細末猪膽汁為丸如麻子大量兒大小加

減丸數與之

祖傳經驗秘方栝柳丸小兒疳病積氣成塊腹大有  
虫等証其効如神

栝柳 一兩  
三稜 煨去毛 切醋炒  
蓬莪朮 醋炒各 五錢

青皮 去穰麩 炒黃色  
陳皮 去白 五錢  
蕪荑 水洗淨 二錢半

雷丸 去壳 五錢  
鶴虱 三錢 畧炒  
乾漆 五錢 炒 無烟

木香 三錢 不見火  
良姜 二錢 東 壁同炒  
砂仁 一錢

麥蘖麩 五錢 炒  
胡黃連 三錢  
甘草 三錢 炙

神麩 五錢 炒 黃色  
山查肉 五錢

右為細末醋糊為丸如菉豆大每服三五十九  
空心淡姜湯送下

吐瀉

論

內經曰諸嘔吐酸暴注下迫皆屬于熱又曰濕勝則  
濡泄夫小兒之吐瀉皆由乳食過度傳化失常蓋食  
鬱則成熱熱鬱則成酸酸而成吐成瀉此必然之理  
也又曰食滯于胃口者為吐食滯于大小腸者為瀉  
有生下而遂吐不休者胞胎中穢惡流于腸胃而為

王氏醫書卷之三 吐瀉

吐也丹溪曰錢氏五補五瀉之法俱可選用謹遵而依法具錄如左

脉法 見前總章

方法

錢氏曰小兒初生下吐蓋拭掠兒口中穢惡不盡嚥入喉中故吐木瓜丸主之 凡生子于未發聲之先急宜取口中惡血以綿拭令淨後以黃連甘草二味等分煎汁灌一二匙則無已上等病出痘疹亦希少若啼聲一發則咽下矣亦當用黃

連甘草汁飲之不可忽也

木瓜丸

木瓜末

木香末

射香末

膩粉即錫粉

檳榔各一字

右細研勻麪糊爲丸如黍米大每服三二九甘草湯送下

初生三日內吐瀉壯熱不思乳食大便乳食不消或白色知是傷食當下之而後和胃下用白餅子和胃用益黃散 上三方俱見前

初生三日已上至十日吐瀉身不熱或乍熱乍涼  
不思乳食大便青白色乳食不消此上實下虛  
也更有五臟兼見証宜詳 肺病則睡多露睛  
喘氣 心則驚悸飲水 脾則困倦饒睡 肝  
則呵欠頓悶 腎則不語畏明當先見兒兼臟  
補脾益黃散主之蓋此二證多病于夏秋也  
五月二十五日以後 夏至後十日也 吐瀉身壯熱此乃臟  
腑中十分中九分熱也或因傷熱乳食吐乳不  
消瀉深黃色玉露散主之

玉露散

一名甘露散

石膏

寒水石

各五錢

生甘草

二錢五分

右為細末每服一字或半錢溫水調下

六月十五日大暑節後吐瀉身溫似熱臟腑六分  
熱四分冷也嘔吐乳食不消瀉黃白色似渴或  
食乳或不食食前少服益黃散食後多服玉露  
散

按丹溪用去桂五苓散倍白朮加蒼朮甚者二  
朮炒用或入益元散和勻米湯調下甚効

七月七日立秋後七日吐瀉身溫涼三分熱也七分冷不能食乳多似睡悶亂噎氣長出氣睡露睛唇白多噦欲大便不渴食前多服益黃散食後少服玉露散

八月十五日秋分以後吐瀉身冷無陽也不能食乳乾噦瀉青褐水當補脾益黃散主之不可下也

吐瀉泄黃傷熱乳也吐瀉泄青傷冷乳也皆當下白餅子主之傷熱乳者甘露散傷冷乳者益黃

散溫中丸並于下後服之亦有不須下但服此藥愈者

### 溫中丸

人參

甘草 炙

白朮 各一兩

右爲細末姜汁麩糊爲丸如菜豆大每服一二十丸粳米飲下

虛弱脾胃不和不能食乳致肌肉消瘦亦有因大病後或吐瀉後脾胃尚弱不能傳化穀氣也有冷者時時下利唇口青白有熱者身溫壯熱肌



肉微黃此冷熱虛羸也冷者木香丸但夏月不可服如有証亦須少服之熱者胡黃連丸但冬月不宜服有証須少服木香丸胡黃連丸二方並見前

吐瀉調脾平胃散入熟蜜和蘇合香丸名萬安膏米飲調服

一方治吐瀉黃疸

三稜

莪朮

青皮

陳皮

神麴

麥蘖麴

黃連

甘草

白朮

茯苓

右爲細末溫水調服傷乳食吐瀉加山查時氣吐瀉加滑石發熱加薄荷

夏月吐瀉用益元散極効當表而出之

附證

愚按小方脉科惟急慢驚風與夫痘疹等証最爲酷疾以其吉凶及掌生死須臾故也次則五疳吐瀉爲證不一亦不可以易而治者已上四証

各立篇目辨論詳明外其餘一切小疾繁瑣多  
端一一不能詳盡故各附于吐瀉之後以備檢  
閱叅用云尔

一腹脹

二腹痛

三夜啼

四痰熱

五解顛

六吃泥

七脫囊

八脫肛

九赤瘤

十臍汁出

十一頭瘡

十二尾骨痛

十三重舌木舌

十四鵞口口瘡

十五走馬牙疳

十六臍風撮口